

東臺縣志

第六冊

卷二十一

卷二十四

忠節 儒林

卷二十二

卷二十五

孝友 文苑

卷二十三

卷二十六

仕績 篤行

東臺縣志卷之二十一 傳二

忠節

生則成名死則成行匪蓬隨衆匪雅入鄭端志心
方剛折膽勁君子著行仁義爲柄慷慨從容同軌
於正錄茲亮節並光史乘志忠節

宋

徐翊楫茶人咸熙中詔取廉能判均州轉望江令擢湖
南按察副使時元將伯顏南侵起兵入衛克復饒州
有功賈似道惡其不阿撓其權遂解組歸居鄉每逢
宴會必垂涕曰中原未復社稷憂危豈臣子爲樂時

東臺縣志

卷之二十一

忠節

一

耶竟齋志以歿

徐暄寶慶間詔舉賢良授 宣聖府勾管李全亂曲阜
淪亡元主慕其賢授以言官不屈亡歸海上隱處以
終其身

元

繆思恭字德謙楫茶人元末辟充令史時僞吳張士誠
陷泰州明年陷揚州丙申復陷蘇州恭隨軍征進克
復高郵所向有功超擢萬戶士誠以其鄉人欲招爲
援恭曰挽回元氣在此一舉乃身往勸之以請朝命
奉正朔不失爲忠臣士誠因自戢不爲亂者數年恭

之力也以功擢嘉興府同知興學校勸農桑累遷至淮揚總管徵爲王府參軍疾作不果行而卒

明

繆思敬字德中思恭弟張士誠知其名遣使來聘有司催督強起之見士誠未嘗正視欲授樞要不從士誠曰爾不肯官祿何以貽後思敬曰見得思義見危授命人之大節吾寧殺身成仁不求生害仁士誠壯其言不敢屈入明舉茂才除麟遊縣主簿遷蘇州府同知尋以直諫戍邊嘉靖中巡鹽御史雷公應龍建祠祀其兄弟稱二賢祠題其堂曰世義檄場司致祭天

東臺縣志

卷之二十一

忠節

二

啓中分司徐光國爲建坊曰忠節流坊

以上舊十場志

于光楨茶人洪武初爲鞏昌指揮使元主出奔應昌擴廓帖木兒寇鞏昌光力戰死之明年太祖命徐達李文忠分道北征大破擴廓兵遂克應昌詔贈光昭毅將軍配享功臣廟以其子彥真襲職卽授應昌參將建文之難棄職去不知所終次子彥達亦執節不仕

史明

王仲仁安豐人良

良見儒林傳

高祖也洪武中官司簽爲義

勇戍四川寧藩衛後征南以戰卒時邊疆初定生齒彫殘詔三丁攢一防禦邊陲故合鄧滕王三姓永戍

寧藩衛後鄧絕滕逃而王氏之戍猶昔亦見其忠國

之一斑云

心齋集

繆昌期字當時枿茶場人江陰籍年少工屬文每試冠其偶雖久困公車而筆鋒愈銛爲舉業名家成進士選讀秘書楊漣左光斗方以選臺省候命昌期卽與交驩挺擊事起嘗語人曰某以瘋癲二字出脫亂臣賊子某以元功竒貨四字抹煞忠臣義士言出人人側目又與趙南星聲氣相善而毒螫南星爲劉文炳遷南星之怒怒昌 遂被彈歸至辛酉被檢討命典楚試所錄多名士壬戌晉左贊善甲子晉諭德逆燄

東臺縣志

卷之二十一

忠節

三

薰灼昌期每與楊左扼腕痛憤言不除此賊何以報君父已而漣有二十四罪之疏一時喧傳爲屬草時葉向高當國師生誼厚而有犯無隱頗聞諂讓令人幾無所容昌期莊語向高除君側之惡大臣責也向高唯唯謝不敏語亦漸泄無何向高去又數月時勢大異名賢次第被逐昌期攜壺榼相送灑涕言別逆闖轉甚推南院不下因請告勒令閒住丙寅春與周宗建同逮言其補服黃蓋開館招賢皆羣小羅織語也昌期年稍邁不勝楚毒先諸臣死昌期傾身疆項不能近俗人遇同志刺刺日夕不休否則目攝之而

己閒一出語如飛鏃着體一往透骨飲不沾唇絕無所歎洽偶論文相得及抵掌時事臭味相合生死共之矣救世一念如惔如焚而不能盡人之用其貌瞿瞿其情充充如有窮祇爲正邪消長計而持局過峻人多望之卻走或曰鉤黨之禍公輩二三賢者激成之其然豈其然乎寃旣白贈詹事予祭葬廕一子昌

撰繆氏族譜序自叙與耕茶繆氏同祖詳載繆氏家乘

國朝

崔之四號季公其家富安大族也居虎墩西場富甲一鄉兄之一之二皆以家難死於讐讐固同祖兄弟將

東臺縣志

卷之二十一 忠節

四

並及之四時之四年十七陽爲愍狀俾弗疑匿祖母所兩旬乘閒逸去鳴諸官累年始得白竟抵讐於法是獄也擬大辟八人徒流以下數十人讐兄弟力甚盛而之四以一孺子出萬死不顧一生之計卒爲兩兄復大讐其才氣有過人者順治初以例貢試中書舍人從征滇南有功補安普兵巡道首覈虜繫婦人萬餘資以路費令其夫男給領又宣諭尙苗咸使歸化一載之內邊境廓清卒於官

上諭曰萬里從征不辭勞勩冷署孤魂殊堪心惻令馳驛歸

葬蔭其子一人

泰州志

珏珥茶人武進士授貴州定廣營守備在任訓練精
勇征苗有功擢左都督管遊擊事以苦戰卸甲得疾
歿於軍營

蔡金宏繆珏之僕生而魁梧膂力絕人從珏征苗貴州
屢賴其力珏歿遺幼妾孤兒貧無所依宏泣訴大吏
得資助扶其櫬於數千里外歸葬於鄉終身事嫠婦

幼主如珏生時里人咸義之

此二條採繆氏族譜

臣子而以忠節著非家國之幸也然而其人千古
矣之數賢者不爲威武屈不爲富貴淫庶幾障東
海之波而立懦夫之志歟 列之祇得八九人益

見守道之難矣

